



# Reglament Absenzas

## Scolas Vischnaunca da Breil

Sefundond sils artechels 28/68<sup>1</sup>/96 dalla Lescha da scola cantunala dils 02-03-2012, sin artechel 25 dall'Ordinaziun tier la lescha da scola, sco era sin artechel 12<sup>2.12</sup> digl Uorden da scola dalla Vischnaunca da Breil dils 14-04-2014, relai il Cussegl da scola dalla Vischnaunca da Breil suandont reglament d'absenzas:

### Art. 1 Principi

- 1 Las personas cun la pussonza dils geniturs ein responsabels che lur affons frequentien regularmein la scola.
- 2 Persunas cun la pussonza dils geniturs che cunterfan a questa stipulaziun vegnan castigai tenor il suranumnau artechel 96.

### Art. 2 Absenzas perstgisadas

Sco absenzas perstgisadas valan:

- 1 Malsogna ni accident digl affon. Tier absenzas che cuozan dapli che 5 dis, sa la direcziun da scola pretender in attestat dil miedi.
- 2 Mortori en famiglia, parentella ni in'otra persuna da stretga relaziun.
- 3 Prighels da lavinias, bovas ni autras relaziuns da via buca responsablas.
- 4 Il scolast da classa ei mintgamai d'informar avon l'absenza perstgisada.

### Art. 3 Dis da jocker

- 1 Las personas cun la pussonza dils geniturs han la pusseivladad da retrer entochen maximal 1 entir, respectiv 2 mezs dis da jocker.
- 2 Ils dis da jocker duein vegnir duvrai per, fiastas da famiglia, nozzas, trenaments, cuorsas da skis ed auters semeglients termins.
- 3 Reglas per il diever dils dis da jocker:
  - a) Il formular pil di da jocker ei da dar giu 4 dis avon al scolast da classa. Vegn quei termin buca respectaus, ston las personas cun la pussonza dils geniturs tschentar ina damonda argumentada en scret alla direcziun da scola.
  - b) Tut ils scolasts pertuccai ein d'informar ordavon entras igl affon.
  - c) La materia da scola ed eventuals tests ein da prender avon ni suenter.
  - d) Il di da jocker sa vegnir prius en dus mezs ni en in entir di.
  - e) Per prolungir las vacanzas sa il di da jocker vegnir prius mo in di avon ni in di suenter las vacanzas.
  - f) Pils suandonts dis sa vegnir retratg negin jocker:
    - εμπrem e davos di da scola
    - dis specials da scola (produziuns, excursiuns, viadis, dis da sport, festivitads, exposiziuns).

- g) Ina assenza da mo ina lecziun vegn buca quintada per miez di da jocker. Secumuleschan quell'absenzas denton sin treis lecziuns, vegn quintau miez di da jocker.
- h) Ils dis da jocker san buca vegnir transferi sil proxim onn da scola.

#### Art. 4 Ulteriuras dispensas

- 1 Ulteriuras dispensas ein regladas egl art. 28 dalla lescha da scola ed egl artechel 25 dall'ordinaziun.
- 2 Damondas en quei senn ein da surdar sil pli tard 4 jamnas avon cun argumentaziun a scret:
  - per dispensa entochen 5 dis al menader da scola
  - per dispensa entochen 15 dis al cussegl da scola
  - per ina dispensa per dapli dis agl inspecturat da scola.
- 3 Fuffernadis ein per regla dad absolver ordeifer il temps da scola.

#### Art. 5 Vigur

Quei reglament entra en vigur cun l'entschatta digl onn da scola 2014/2015.

Approbau dil cussegl da scola en seduta dils 15 d'avrel 2014.

Breil, ils 15 d'avrel 2014

La presidenta

Il menader da scola

*Daniela Seiler*

*Michael Friberg*

---